

ՀԱՄԱՁԱՅՆԵՑՎԱԾ Է՝

ՀԱՍՏԱՏՎԱԾ Է՝


Մնանկության գործերով կառավարիչների  
կոլեգիա» Ինքնակարգավորվող  
կազմակերպության Դիտորդ խորհրդի

«Մնանկության գործերով կառավարիչների  
կոլեգիա» Ինքնակարգավորվող  
կազմակերպության Ընդհանուր ժողովի


2017թ. ապրիլի 11-ի արձանագրությամբ

2017թ. մայիսի 27-ի թիվ 1 որոշմամբ

«ՍԳԿԿ» ԻԿԿ  
Դիտորդ խորհրդի նախագահ  
Ա. Չիտյան



«ՍԳԿԿ» ԻԿԿ նախագահ  
Ա. Չիտյան



## ԴԻՏՈՐԴ ԽՈՐՀՐԴԻ ԳՈՐԾՈՒՆԵՈՒԹՅԱՆ ԿԱՐԳ

Հայաստանի Հանրապետություն  
քաղաք Երևան

2017թ.

## 1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կարգը մշակվել է ՀՀ օրենսդրության՝ մասնավորապես «Սնանկության մասին» ՀՀ օրենքի, «Սնանկության գործերով կառավարիչների կոլեգիա» Ինքնակարգավորվող կազմակերպության (այսուհետ նաև՝ Կազմակերպություն) կանոնադրության և ներքին իրավական փաստաթղթերի պահանջներին համապատասխան:

1.2. Սույն Կարգը կարգավորում է «ՍԳԿԿ» ԻԿԿ-ի Դիտորդ խորհրդի (այսուհետ նաև՝ Դիտորդ խորհուրդ) գործունեությունը:

1.3. Դիտորդ խորհուրդը հանդիսանում է Կազմակերպության մշտական գործող՝ կոլեգիալ կառավարման մարմին:

1.4. Մինչև Դիտորդ խորհրդի ընտրվելը, Դիտորդ խորհրդի լիազորությունները իրականացվում են Կազմակերպության Ընդհանուր ժողովի կողմից:

1.5. Իր գործունեությունն իրականացնելիս Դիտորդ խորհուրդը առաջնորդվում է ՀՀ օրենսդրությամբ, «Սնանկության մասին» ՀՀ օրենքով, Կազմակերպության կանոնադրությամբ և ներքին իրավական փաստաթղթերով:

## 2. ԴԻՏՈՐԴ ԽՈՐՀՐԴԻ ԿԱԶՄԸ, ՆՐԱ ԱՆԴԱՄՆԵՐԻ ԵՎ ՆԱԽԱԳԱՀԻ ԸՆՏՐՈՒԹՅՈՒՆԸ

2.1. Դիտորդ խորհուրդը ընտրվում է Ընդհանուր ժողովի կողմից՝ 5 տարի ժամկետով: Այն դեպքերում, երբ սահմանված ժամկետի ավարտից հետո նոր Դիտորդ խորհուրդ չի ընտրվում, գործող Դիտորդ խորհրդի իրավասությունները չեն դադարում մինչև նոր կազմով Դիտորդ խորհրդի ընտրվելը:

Դիտորդ խորհրդի նույն կազմը կարող է անընդմեջ վերընտրվել անսահմանափակ անգամ:

2.2. Դիտորդ խորհրդի կազմը բաղկացած է Կազմակերպության 7 անդամից:

2.3. Դիտորդ խորհրդի անդամների ընտրությունը կատարվում է հետևյալ կարգով.

Կազմակերպության ցանկացած անդամ իրավունք ունի առաջադրել իր կամ Կազմակերպության մեկ այլ անդամի թեկնածությունը: Թեկնածությունները առաջադրվում են ժողովի մասնակիցների կողմից՝ Ընդհանուր ժողովի ընթացքում:

Առաջադրված թեկնածուն իրավունք ունի ինքնաբացարկ հայտնել:

2.4.Դիտորդ խորհրդի անդամների ընտրությունը կատարվում է փակ գաղտնի քվեարկության միջոցով:

2.5.Դիտորդ խորհրդի անդամները ընտրվելուց հետո՝ Խորհրդի կազմից ընտրում են Դիտորդ խորհրդի նախագահին: Դիտորդ խորհրդի նախագահ ընտրվելու համար խորհրդի անդամներից յուրաքանչյուրը իրավունք ունի առաջադրելու իր թեկնածությունը, ինչպես նաև իր նախընտրած անդամի թեկնածությունը:

2.6.Խորհրդի նախագահն ընտրվում է 5 տարի ժամկետով, Դիտորդ խորհրդի անդամների ձայների պարզ մեծամասնությամբ և կարող է անընդմեջ վերընտրվել անսահմանափակ անգամ:

Դիտորդ խորհրդի նախագահի ընտրությունը կատարվում է բաց քվեարկության եղանակով, Դիտորդ խորհրդի նիստում:

2.7.Դիտորդ խորհրդի նախագահի թեկնածուին առաջադրվող պահանջներն են՝

- բարձրագույն կրթություն,
- ինքնակարգավորվող կազմակերպությունում որպես կառավարչի առնվազն տաս տարվա աշխատանքային փորձ և որպես կառավարիչ մասնակցություն ոչ պակաս, քան տաս սնանկության վարույթներին,
- որակագրկման, տնտեսական բնույթի հանցագործությունների, ինչպես նաև առանձնապես ծանր, ծանր և միջին ծանրության հանցագործությունների համար դատվածության բացակայություն:

2.8.Դիտորդ խորհրդի նախագահն իրականացնում է հետևյալ գործառույթները.

- 1) հրավիրում է Դիտորդ խորհրդի նիստերը և նախագահում է դրանք,
- 2) սահմանում է նիստերի անցկացման կարգը և օրակարգի հարցերը,

- 3) կազմակերպում է Դիտորդ խորհրդի նիստում առաջադրված հարցերի քննարկումը, Կազմակերպության անդամների միջև տեղեկատվության փոխանակումը,
- 4) առաջադրում է Գործադիր տնօրենի թեկնածությունը, սահմանում է Դիտորդ խորհրդի անդամների իրավասությունների շրջանակը,
- 5) սնանկության վերաբերյալ գործեր քննող ՀՀ դատարաններին ներկայացնում է վիճակահանության արդյունքում ընտրված կառավարիչների թեկնածությունը՝ կառավարիչ նշանակելու համար,
- 6) վերահսկում է Ընդհանուր ժողովի և Դիտորդ խորհրդի կողմից կայացված որոշումների կատարումը,
- 7) նշանակում է Դիտորդ խորհրդի քարտուղար Կազմակերպության աշխատակազմից,
- 8) իրականացնում է այլ գործառույթներ, որոնք նախատեսված են Ընդհանուր ժողովի, Դիտորդ խորհրդի որոշումներով, Կազմակերպության կանոնադրությամբ և ներքին իրավական փաստաթղթերով:

2.9. Դիտորդ խորհրդի անդամը կարող է կամավոր հրաժարվել իր պարտականությունների կատարումից, այդ մասին գրավոր տեղեկացնելով Դիտորդ խորհրդի նախագահին:

2.10. Դիտորդ խորհրդի նախագահը կարող է կամավոր հրաժարվել իր պարտականությունների կատարումից, այդ մասին գրավոր տեղեկացնելով Դիտորդ խորհրդին, նման դեպքում Դիտորդ խորհրդի կազմից ընտրվում է նոր նախագահ:

2.11. Դիտորդ խորհրդի նախագահի առաջարկով Խորհրդի անդամի լիազորությունները կարող են դադարեցվել՝

- եթե վերջինս անհարգելի պատճառներով բացակայել է Խորհրդի մի քանի նիստերից,
- իր գործողություններով կամ անգործությամբ կոպտորեն խախտել է Կազմակերպության անդամների իրավունքներն ու օրինական շահերը:

2.12. Դիտորդ խորհրդի բոլոր անդամների կամ նրա առանձին անդամների լիազորությունները կարող են վաղաժամկետ դադարեցվել արտահերթ Ընդհանուր

ժողովի որոշմամբ, որն ընդունվում է Կազմակերպության բոլոր անդամների ձայների 3/4-ով:

2.13. Դիտորդ խորհրդի անդամի կամավոր հրաժարվելու, լիազորությունները վաղաժամկետ դադարեցվելու կամ վերջինիս մահվան դեպքում, նրա տեղը զբաղեցնում է Դիտորդ խորհրդի ընտությունների ժամանակ ամենաշատ ձայներ հավաքած, սակայն չընտրված թեկնածուն:

### 3. ԴԻՏՈՐԴ ԽՈՐՀՐԴԻ ԻՐԱՎՈՒՆԱԿՈՒԹՅՈՒՆ ԵՎ ԻՐԱՎԱՍՈՒԹՅՈՒՆՆԵՐԻ ՇՐՋԱՆԱԿ

3.1. Դիտորդ խորհրդի իրավասությունները ծագում են Ընդհանուր ժողովի կողմից ընտրվելու և դրա վերաբերյալ տվյալները հրապարակելու պահից:

3.2. Դիտորդ խորհրդի իրավասությունները դադարում են նոր Դիտորդ խորհրդի ընտրվելու պահից:

3.3. Որոշումներ կայացնելիս Խորհրդի յուրաքանչյուր անդամ ունի մեկ ձայնի իրավունք:

Դիտորդ խորհրդի որոշումներն ընդունվում են Խորհրդի անդամների ձայների պարզ մեծամասնությամբ, բացառությամբ Կազմակերպության կանոնադրությամբ սահմանված դեպքերի:

3.4. Դիտորդ խորհրդի անդամը լիազորագրի հիման վրա կարող է փոխանցել իր ձայնի իրավունքը մեկ այլ անդամի: Տրված լիազորագիրը վավերացվում է Դիտորդ խորհրդի նախագահի ստորագրությամբ և կազմակերպության կնիքով:

3.5. Դիտորդ խորհրդի իրավասություններն են՝

- 1) ՀՀ օրենսդրությամբ, «Մնանկության մասին» ՀՀ օրենքով, Կազմակերպության կանոնադրությամբ սահմանված կարգով կազմակերպությանն անդամակցելու և անդամակցությունը դադարեցնելու մասին որոշումներ կայացնելը,
- 2) Կազմակերպության ֆինանսական գործունեությունը և հաշվապահական հաշվառումը վերահսկելու համար աուդիտորական ծառայություններից օգտվելու առաջարկության ներկայացումը,

- 3) Գործադիր տնօրենի ընտրությունը,
- 4) Հաշվիչ հանձնաժողովի ընտրությունը,
- 5) 65 տարին լրացած կառավարչի դիմումի հիման վրա, վերջինիս լիազորությունների դադարեցման կամ շարունակելու վերաբերյալ որոշում կայացնելը, կառավարչի կողմից նման դիմումը պետք է ներկայացվի 65 տարին լրանալուց առնվազն 30 օր առաջ,
- 6) Գործադիր տնօրենի հաշվետվությունների հաստատումը,
- 7) Կազմակերպության կանոնադրությամբ սահմանված կարգով կարգապահական հանձնաժողովի կողմից ներկայացված եզրակացությունների վերաբերյալ որոշումների ընդունումը,
- 8) Կազմակերպության անդամների կողմից իրենց գործունեության վերաբերյալ ներկայացված տեղեկատվության հավաքագրումը, մշակումը և պահպանումը,
- 9) Կազմակերպության ներկայացուցչությունների և այլ ստորաբաժանումների հիմնադրումը,
- 10) Կազմակերպության տնտեսական գործունեության կամ ցանկացած հարցի վերաբերյալ որոշման հաստատումը, բացառությամբ Ընդհանուր ժողովի իրավասությանը ենթակա գործառնությունների,
- 11) Կազմակերպության տարեկան բյուջեի հաստատումը, դրանում փոփոխությունների կատարումը, տարեկան հաշվետվությունների հաստատումը,
- 12) կառավարչին կամ այլ անձի կազմակերպության պատվավոր անդամի կոչում շնորհելը,
- 13) կանոնադրությամբ նախատեսված իր իրավասությունների շրջանակներում այլ հարցերի քննարկումը և լուծումը:

3.6. Դիտորդ խորհուրդը կարող է որոշում կայացնել Կազմակերպության անդամի անդամակցության դադարեցման վերաբերյալ հետևյալ դեպքերում՝

- կառավարիչը դիմել է այդ մասին,

- լրացել է նրա 65 տարին (պաշտոնավարման տարիքը), բացառությամբ «ՄԳԿԿ» ԻԿԿ-ի կանոնադրության 4.14. և սույն կարգի 3.9. կետերով նախատեսված դեպքերի
- իր գրավոր համաձայնությամբ ընտրվել կամ նշանակվել է այլ պաշտոնում կամ անցել է սնանկության գործով կառավարչի գործունեության հետ անհամատեղելի այլ աշխատանքի,
- ժամանակավոր անաշխատունակության հետևանքով նա ավելի քան վեց ամիս անընդմեջ չի ներկայացել աշխատանքի,
- դատարանի՝ օրինական ուժի մեջ մտած վճռի հիման վրա նա ճանաչվել է անգործունակ, սահմանափակ գործունակ, անհայտ բացակայող կամ մահացած,
- օրինական ուժի մեջ է մտել նրա նկատմամբ մեղադրական դատավճիռը, որով անձը դատապարտվել է ազատությունից զրկելու հետ կապված պատժի, կամ նա դատվածություն ունի պետական ծառայության դեմ ուղղված հանցագործության համար,
- դատարանի վճռով ճանաչվել է սնանկ, և սնանկության վարույթը չի ավարտվել պարտապանի ֆինանսական առողջացմամբ,
- կառավարիչը թույլ է տվել կառավարչի՝ օրենքով սահմանված պարտականությունների կոպիտ կամ պարբերական խախտումներ: Կոպիտ է համարվում այն խախտումը, որն անհամատեղելի է կառավարչի վարքագծի կանոնների հետ: Պարբերական է այն խախտումը, որը առանձին վերցրած, թեև կոպիտ խախտում չի համարվում, սակայն իր պարբերականությամբ անհամատեղելի է կառավարչի վարքագծի կանոնների հետ:

3.7. Եթե կառավարիչը սնանկության գործով կառավարչի որակավորում ստացել է օրենքի պահանջների խախտմամբ, ապա կառավարչի լիազորությունները դադարեցվում են ՀՀ արդարադատության նախարարի որոշմամբ՝ «ՄԳԿԿ» ԻԿԿ-ի Դիտորդ խորհրդի եզրակացության հիման վրա: Որոշումը կարող է բողոքարկվել դատական կարգով որոշումը ստանալուց հետո՝ 15-օրյա ժամկետում:

3.8. Լիազորությունները դադարեցված կառավարիչը պարտավոր է ոչ ուշ, քան հնգօրյա ժամկետում իր մոտ պահպանվող՝ ընթացիկ սնանկության գործերով փաստաթղթերը և նյութերը հանձնել կառավարիչների ինքնակարգավորվող կազմակերպության կողմից լիազորված անձին:

3.9. Սնանկության գործերով կառավարչի գործունեությամբ զբաղվելու պաշտոնավարման տարիքը լրանալու դեպքում «ՍԳԿԿ» ԻԿԿ-ի Դիտորդ խորհուրդը, հիմք ընդունելով կառավարչի՝ իր պարտականությունների կատարման ունակությունները և կարողությունները, կարող է որոշել թույլատրել կառավարչին մինչև հինգ տարի ժամկետով շարունակել զբաղվել սնանկության գործերով կառավարչի գործունեությամբ:

3.10. Եթե կառավարիչը պատշաճ ծանուցված է եղել և չի մասնակցում Դիտորդ խորհրդի նիստին, որտեղ քննարկվում է նրա անդամակցության դադարեցման հարցը, ապա դա արգելք չէ, որպեսզի վերջինիս նկատմամբ կայացվի անդամակցության դադարեցման վերջնական որոշում:

#### 4. ԴԻՏՈՐԴ ԽՈՐՀՐԴԻ ՆԻՍՏԵՐԻ ՀՐԱՎԻՐՄԱՆ և ԱՆՑԿԱՎՄԱՆ ԿԱՐԳԸ

4.1. Դիտորդ խորհրդի նիստերը հրավիրվում են ըստ անհրաժեշտության, սակայն ոչ ուշ, քան եռամսյակը մեկ անգամ:

Խորհրդի նիստերը հրավիրվում են Դիտորդ խորհրդի նախագահի նախաձեռնությամբ կամ Կազմակերպության անդամների առնվազն 2/5-ի պահանջով:

4.2. Դիտորդ խորհրդի նախագահը նախագահում է խորհրդի նիստերը, իսկ նախագահի բացակայության դեպքում նրա լիազորությունները փոխանցվում են խորհրդի ամենատարեց անդամին:

Խորհրդի նիստերի անցկացման կարգը նախագահի կողմից սահմանվում է ինքնուրույն, համաձայն Կազմակերպության կողմից հաստատված ներքին իրավական փաստաթղթերով հաստատված դրույթների:

4.3. Դիտորդ խորհրդի նախագահը հաշվետու է Ընդհանուր ժողովին:



4.4. Դիտորդ խորհրդը իրավագոր է, եթե նիստին մասնակցում են բոլոր անդամները կամ լիազորագրի հիման վրա հանդես եկող նրանց ներկայացուցիչները, սակայն նիստին պետք է մասնակցի առնվազն հինգ անդամ:

4.5. Կառավարչի անդամակցության դադարեցման հարցը քննարկելու համար հրավիրված Դիտորդ Խորհուրդի նիստը իրավագոր է, եթե դրան մասնակցում են Դիտորդ Խորհուրդի բոլոր անդամները:

4.6. Եթե կառավարիչը պատշաճ ծանուցված է եղել և չի մասնակցում Դիտորդ խորհրդի նիստին, որտեղ քննարկվում է նրա անդամակցության դադարեցման հարցը, ապա դա արգելք չէ, որպեսզի վերջինիս նկատմամբ կայացվի անդամակցության դադարեցման վերջնական որոշում:

4.7. Կառավարչի անդամակցության դադարեցման վերաբերյալ՝ որոշումը կայացվում է Դիտորդ խորհրդի անդամների առնվազն հինգ ձայնով:

4.8. Սահմանված կարգով Դիտորդ խորհրդի նիստեր հրավիրելուց Գործադիր տնօրենը Դիտորդ խորհրդի բոլոր անդամներին և անհրաժեշտության դեպքում՝ հրավիրված անձանց, պատշաճ կարգով ծանուցում է նիստերի անցկացման վերաբերյալ:

4.9. Նիստերի վերաբերյալ ծանուցումը, ինչպես նաև օրակարգում քննարկվելիք հարցերի վերաբերյալ տեղեկատվությունը էլեկտրոնային փոստի կամ օրենքով չարգելված հաղորդակցության այլ միջոցների գործադրմամբ, ուղարկվում է Դիտորդ խորհրդի անդամներին և հրավիրված անձանց՝ նիստի կայացման օրվանից հինգ օր առաջ:

Ծանուցման մեջ պետք է հստակ նշվեն՝

- նիստի անցկացման օրը, ժամը և վայրը,
- օրակարգում ընդգրկված հարցերը,
- այլ անհրաժեշտ տեղեկություններ:

Օրակարգի վերաբերյալ իրենց առաջարկները և դիտողությունները Խորհրդի անդամները կարող են ներկայացնել Խորհրդի նախագահին ծանուցման պահից երեք օրվա ընթացքում:

4.10. Դիտորդ խորհրդի նիստերի քարտուղարը նշանակվում է Դիտորդ խորհրդի նախագահի կողմից՝ Կազմակերպության աշխատակազմից:

4.11. Դիտորդ խորհրդի նիստերը իրականացվում են հետևյալ ընթացակարգով՝

4.11.1. Նիստի բացումից հետո Դիտորդ խորհրդի նախագահը ամփոփում է ներկա գտնվող անդամների գրանցման արդյունքները, քվորումի առկայության դեպքում հայտարարում է Դիտորդ խորհրդի նիստի բացման մասին և առաջարկում է հաստատել օրակարգը:

4.11.2. Դիտորդ խորհրդի նիստի օրակարգը հաստատվում է քվեարկության միջոցով՝ նիստին ներկա անդամների ձայների պարզ մեծամասնությամբ:

4.11.3. Օրակարգը հաստատելուց հետո Դիտորդ խորհրդի նախագահը առաջարկում է լսել զեկուցողներին:

Յուրաքանչյուր հարցի վերաբերյալ որոշումը կայացվում է քվեարկության միջոցով և ընդունվում է ներկա գտնվող անդամների ձայների պարզ մեծամասնությամբ:

#### 5. ԴԻՏՈՐԴ ԽՈՐՀՐԴԻ ՆԻՍՏԻ ԱՐՁԱՆԱԳՐՈՒԹՅՈՒՆԸ

5.1. Դիտորդ խորհրդի նիստերի վերաբերյալ քարտուղարը կազմում է արձանագրություն: Արձանագրության մեջ ներառվում են նաև քննարկվող հարցերի վերաբերյալ Դիտորդ խորհրդի անդամների դիտողությունները և առաջարկությունները:

5.2. Դիտորդ խորհրդի նիստի արձանագրության մեջ պետք է նշվեն՝

- նիստի օրը, վայրը և ժամանակը,
- նիստին մասնակցող անդամների տվյալները,
- նիստի օրակարգը,
- քվեարկության դրված հարցերը և դրանց քվեարկության արդյունքները,
- ընդունված որոշումները:

5.3. Նիստի արձանագրությունը եռօրյա ժամկետում ստորագրվում է նիստի քարտուղարի և Դիտորդ խորհրդի նախագահի կողմից:

5.4. Դիտորդ խորհրդի նիստի արձանագրությունները կազմվում են մեկ օրինակով և պահպանվում է Գործադիր տնօրենի մոտ՝ անժամկետ:

5.5. Կազմակերպության անդամի վերաբերյալ կայացված որոշումները տաս օրվա ընթացքում՝ Գործադիր տնօրենի կողմից պետք է տեղադրվեն Կազմակերպության պաշտոնական կայքում:

5.6. Կազմակերպության անդամները իրավունք ունեն Գործադիր տնօրենից պահանջել և եռօրյա ժամկետում ստանալ Դիտորդ խորհրդի որոշումը կամ դրա քաղվածքը, որը ստորագրվում և կնքվում է Գործադիր տնօրենի կողմից:

5.7. Դիտորդ խորհրդի կողմից նոր Գործադիր տնօրեն ընտրելու դեպքում նախկինը պարտավոր է նրան հանձնել իր տրամադրության տակ գտնվող բոլոր փաստաթղթերը:

## 6. ԵԶՐԱՓՈՒԿ ԴՐՈՒՅԹՆԵՐ

6.1. Սույն Կարգը ուժի մեջ է մտնում և սկսում է գործել Ընդհանուր ժողովի կողմից հաստատելու պահից:

6.2. Սույն Կարգում բոլոր լրացումները և փոփոխությունները կատարվում են Ընդհանուր ժողովի որոշմամբ:

6.3. Սույն Կարգով նախատեսված բոլոր իրավական կարգավորումները համապատասխանում են ՀՀ օրենսդրությանը, Կազմակերպության կանոնադրությանը և ներքին իրավական փաստաթղթերին:

6.4. Այն իրավական հարցերի կարգավորումը, որոնք նախատեսված չեն սույն Կարգով կարգավորվում են ՀՀ օրենսդրությամբ, Կազմակերպության կանոնադրությամբ և ներքին իրավական փաստաթղթերով սահմանված կարգով:

## ՔՎԵԱԹԵՐԹԻՎ

«Սնանկության գործերով կառավարիչների կոլեգիա» Ինքնակարգավորվող կազմակերպության Դիտորդ խորհուրդի նիստի օրակարգում ընդգրկված հարցերի քվեարկության համար

Հարց 1.

---

---

Որոշեցին՝

---

---

կողմ

դեմ

ձեռնպահ

(նշեք ձեր տարրերակը)

Հարց 2.

---

---

Որոշեցին՝

---

---

կողմ

դեմ

ձեռնպահ

(նշեք ձեր տարրերակը)

«\_\_» \_\_\_\_\_ 20\_\_ թ.

«ՍԳԿԿ» ԻԿԿ-ի անդամ

\_\_\_\_\_/\_\_\_\_\_  
(ստորագրություն) (Ա.Ա.Հ.)

ԱՌԱՆՑ ՔՎԵԱՐԿՈՂԻ ՍՏՈՐԱԳՐՈՒԹՅԱՆ ԵՎ ՏՎՅԱԼՆԵՐԻ ՔՎԵԱԹԵՐԹԻԿԸ  
ՀԱՄԱՐՎՈՒՄ Է ԱՆՎԱՎԵՐ

«Մասնկության գործերով կառավարիչների կոլեգիա» Ինքնակարգավորվող  
կազմակերպության Դիտող խորհրդի նիստի

ԱՐՁԱՆԱԳՐՈՒԹՅՈՒՆ N \_\_\_\_\_

ք. Երևան

« » \_\_\_\_\_ 20 թ.

Նիստին մասնակցում էին Դիտող խորհրդի հետևյալ անդամները՝

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_
6. \_\_\_\_\_
7. \_\_\_\_\_

Քվորումը ապահովված է – 100 տոկոս, Դիտող խորհրդի նիստը իրավազոր է:

Նիստին մասնակցում են հետևյալ հրավիրված անձինք՝

1. \_\_\_\_\_
2. \_\_\_\_\_

Նիստի օրակարգը՝

1. \_\_\_\_\_
2. \_\_\_\_\_

Օրակարգում ընդգրկված առաջին հարցի շուրջ՝ « \_\_\_\_\_ »  
ելույթ ունեցավ՝

Որոշեցին՝

---

Քվեարկության արդյունքները՝

Կողմ՝ \_\_\_\_\_

Դեմ՝ \_\_\_\_\_

Ձեռնպահ՝ \_\_\_\_\_

Որոշումը ընդունված է միաձայն:

Որոշումը ընդունված է ձայների մեծամասնությամբ:

Որոշումը ընդունված չէ:

Օրակարգում ընդգրկված երկրորդ հարցի շուրջ՝ «\_\_\_\_\_»  
Ելույթ ունեցավ՝ \_\_\_\_\_

Որոշեցին՝

---

Քվեարկության արդյունքները՝

Կողմ՝ \_\_\_\_\_

Դեմ՝ \_\_\_\_\_

Ձեռնպահ՝ \_\_\_\_\_

Որոշումը ընդունված է միաձայն:

Որոշումը ընդունված է ձայների մեծամասնությամբ:

Որոշումը ընդունված չէ:

Դիտորդ խորհրդի նախագահ՝

Ա.Զիտյան

Նիստի քարտուղար՝

/ \_\_\_\_\_ /